




REPUBLIKA E KOSOVËS REPUBLIKA KOSOVA REPUBLIC OF KOSOVO
KËSHILLI PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD CIVIL SERVICE OF KOSOVO

Pranuar / Dorezuar Prilbjen/Protfolato Received/Delivery	16. 11. 2020	0	viti god year
Organ /Njësia Organ /Jednitsa Org /Unit	SKPMASHK	2595/2020	119
Organ /Njësia Organ /Jednitsa Org /Unit	SKPMASHK	2595/2020	119
Shtojca Prilog Appendix			
Sasia Kolicina Quantity			



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A nr.285/2020

Këshilli i Pavarur Mbikëqyrës për Shërbimin Civil të Kosovës - Kolegji për shqyrtimin e ankesave i përbërë nga: Malsore Gashi-Bajraktari-kryetare, Eshref Shabani dhe Jeton Koca, anëtar, si dhe Ardita Perçuku-Shyti-Zyrtare e Lartë për bashkëpunim profesional, ne cilësinë e procesmbajtëses kanë shqyrtuar ankesën me numër A. nr.285/2018, të datës 02.10.2020, të ankuesit [REDACTED] me përfaqësues av. Armend Shkoza me adresë Rr." Robert Doll"nr.34 ,Komuna e Prishtinës, kundër Vendimit me numër Nr. DM 221/2020 të datës 01.09.2020 të Drejtorit Menaxhues të Agjencisë Kosovare të Privatizimit, në çështjen juridike "pezullim parandalues", duke vepruar në pajtim me nenin 6 paragrafin 1.1 nen paragrafin 1.1, nenin 16 paragrafin 1 dhe nenin 18 paragrafin 1 nën paragrafin 1.2 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 16.11.2020, mori këtë:

V E N D I M

I. APROVOHET si e bazuar ankesa me numër A.nr285/2020 e datës 02.10.2020, e parashtruar nga ankuesi [REDACTED].

II. SHFUQIZOHET Vendimi me numër Nr. DM 221/2020 i datës 01.09.2020 i Drejtorit Menaxhues të Agjencisë Kosovare të Privatizimit, me të cilin ankuesit i është ndërprerë kompensimi i 50% të pagës mujore.

III. MBETET në fuqi Vendimi me numër Nr.4102 i datës 06.05.2014 i Agjencisë Kosovare të Privatizimit për pezullimin parandalues me 50% të pagës, të ankuesit, deri në marrjen e vendimit përfundimtar nga gjykata.

IV. OBLIGOHET Drejtori Menaxhues i Agjencisë Kosovare të Privatizimit, që të bëjë zbatimin e këtij vendimi brenda afatit prej pesëmbëdhjetë (15) ditësh nga dita e pranimit të këtij vendimi, duke i bërë kompensimin e 50% të pagës së ankuesit nga data 01.09.2020 deri në zbatimin e këtij vendimi, ndërsa të vazhdojë të bëhet pagesa në listën e pagave me 50% të pagës mujore sipas pikës 3 të këtij vendimi.

V. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim për veprimet e ndërmarra.

VI. Vendimi hynë në fuqi ditën e nënshkrimit nga Kryetari i Kolegjit

Ar sy e t i m

Ankuesit [REDACTED] i sistemuar sipas Akt emërimit të datës 28.12.2011 në pozitën "Kryesues i Njësisë për Likuidimet e bëra nga AKP-ja" në Agjencinë Kosovare të Privatizimit, përmes vendimit Nr.4102 të datës 06.05.2014, të Menaxheres se Personelit është pezulluar nga marrëdhënia e punës me 50% të pagës nga data 30 prill 2014 deri ne marrjen e vendimit përfundimtar nga gjykata, pas njoftimit- pranimit të dokumentit (Aktvendimin PPR.KR.nr.218/2014 për fillimin e hetimeve ana e prokurorisë) se ndaj ankuesit ka filluar procedura penale.

Pas hyrjes në fuqi të Ligjit Nr.06/L-114 për Zyrtarët Publikë, Drejtori Menaxhues i Agjencisë Kosovare të Privatizimit ka nxjerr Vendim me numër Nr. DM 221/2020 përmes të cilit ankuesit ia ka ndalur përfitimin prej 50% të pagës, ndërsa i njëjti do te mbetet punonjës i institucionit me page zero (0) deri ne marrjen e vendimit përfundimtar të gjykatës, të cilën ankuesi e realizonte sipas vendimit me numër nr.4102 të datës 06.05.2014.

Ankuesi i pakënaqur me vendimin me numër DM 221/2020 të datës 01.09.2020 te Drejtorit Menaxhues të Agjencisë Kosovare të Privatizimit për ndërprerjen në total të 50% të pagës, të pranuar nga ankuesi me datë 04.09.2020), me datën 02.10.2020 përmes përfaqësuesit ligjor me autorizim av. Armend Shkoza, ka parashtruar ankesë me numër të protokollit 1966/2020 në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës, ankesën e ankuesit e ka proceduar tek Agjencia Kosovare e Privatizimit për përgjigje në ankesë me datë 07.10.2020. Ndërsa me datën 20.10.2020, Këshilli i Pavarur Mbikëqyrës për Shërbimin Civil të Kosovës ka pranuar përgjigjen në ankesë me shkresat e bashkangjitura.

Administrimi i provave: Kolegji për marrjen e vendimit meritor administroj këto prova: Ankesa me numër protokollit 1966/2020 e datës 02.10.2020 e parashtruar në Këshillin e Pavarur Mbikëqyrës për Shërbimin Civil të Kosovës; Akt emërim i ankuesit i datës 18.08.2014, Vendim i datës 06.05.2014 i Menaxheres se Personelit në Agjencinë Kosovare të Privatizimit, Vendim i datës 01.09.2020 nga Drejtori Menaxhues i Agjencisë Kosovare te Privatizimit, E-maili zyrtar i datës 04.09.2020, Autorizim i datës 14.09.2020, Pergjigjia në ankesë e datës 20.10.2020 me shkresat e bashkangjitura, Aktvendim i datës PPR.KR nr.218/2014 i Gjykatës Themelore ne Prishtine, Kërkesë për ndërprerjen e pezullimit të marrëdhënies se punës e datës 20.09.2019, Pergjigjia në kërkesë për ndërprerjen e pezullimit të marrëdhënies se punës e datës 04.11.2019, E-maili zyrtar i datës 04.09.2020, E-maili zyrtar i datës 13.10.2020, Shkrese e datës 05.09.2020 mbi pranimin e vendimit nga ana e postes për ankuesin; Akt emërimi i ankuesit i datës 01.01.2012, Deklarate e ankuesit e datës 28.12.201, Akt emërim i ankuesit i datës 27.12.2012, Kontrate e punësimit ne gjuhen angleze e ankuesit e datës 23.12.2009, Kontrate e punësimit e ankuesit e datës 31.12.2010, Kontrate e punësimit e ankuesit e datës 08.02.2011.

Kolegji për shqyrtimin e ankesave, pasi ka shqyrtuar të gjitha shkresat e bashkangjitura të lëndës të dërguara nga ankuesi dhe organi i punësimit, ka konstatuar se pretendimi ankimor i ankuesit [REDACTED] lidhur me ndalesën e pagesës prej 50% të pagës mujore, është i bazuar, sepse:

Kolegji për shqyrtimin e ankesave, ka konstatuar se me datë 06.05.2014 përmes vendimit Nr.4102 të Menaxheres së Personelit të Agjencisë Kosovare të Privatizimit, ankuesi është pezulluar nga marrëdhënia e punës me 50% të pagës nga data 30 prill 2014 deri në marrjen e vendimit

përfundimtar nga gjykata, pas njoftimit-pranimit të dokumentit (Aktvendimin PPR.KR.nr.218/2014 për fillimin e hetimeve ana e prokurorisë) se ndaj ankuesit ka filluar procedura penale.

Pas hyrjes në fuqi të Ligjit për Zyrtarët Publik, Drejtori Menaxhues i Agjencisë Kosovare të Privatizimit, me datë 01.09.2020 ka nxjerr vendimin me numër DM 221/2020 përmes të cilit ankuesit ia ka ndalur përfitimin prej 50% të pagës, ndërsa i njëjti do të mbetet punonjës i institucionit me page zero (0) deri në marrjen e vendimit përfundimtar të gjykatës, të cilën ankuesi e realizonte sipas vendimit me numër Nr.4102 të datës 06.05.2014, gjegjësisht gjatë kohës së pezullimit parandalues, me arsyetimin se Ligji për Zyrtarët Publik, i cili ka hyrë në fuqi me datë 09.07.2020 nuk parasheh kompensim për rastet e pezullimit parandalues.

Kolegji për shqyrtimin e ankesave, bazuar në shkresat e lëndës ka konstatuar se Vendimi Nr.4102 i datës 06.05.2014 i Agjencisë Kosovare të Privatizimit, për pezullimin e ankuesit nga detyra me 50% të pagës mujore, është nxjerr bazuar në dispozitat e Ligjit Nr.03/L-149 për Shërbimin Civil në Republikën e Kosovës, përkatësisht nën 69 paragrafi 1 nën paragrafi 1.1, ku përcaktohet së: 1. *Nëpunësit civilë pezullohen, me pagesë 50% të rrogës së tij/saj, menjëherë nga detyra nga organi përgjegjës për menaxhimin e personelit të institucionit punëdhënës nëse: 1.1.kundër tij/saj është iniciuar procedurë penale për kryerje të veprës penale gjatë ushtrimit të funksioneve të tij/sajë, dhe paragrafi 2, ku përcaktohet se: Në rast të pezullimit parandalues, nëpunësi civil do të marrë 50% të rrogës së tij/saj gjatë tërë kohëzgjatjes së pezullimit, deri në marrjen e vendimit përfundimtar nga gjykata.* Andaj, Kolegji vlerëson se Drejtori Menaxhues i Agjencisë Kosovare të Privatizimit me rastin e nxjerrjes së Vendimit numër DM 221/2020 të datës 01.09.2020 për ndalimin e 50% të pagës mujore të ankuesit, duke u thirrur në dispozitat e nenit 58 paragrafi 4 të Ligjit Nr.06/L-114 për Zyrtarët Publikë, gabimisht ka aplikuar dispozitat e ligjit material, në dëm të ankuesit, sepse neni 58 paragrafi 4 aplikohet vetëm për nëpunësit civil të cilët pezullohen nga momenti i hyrjes në fuqi të këtij ligji, kështu që Kolegji konstaton se pretendimi ankimor i ankuesit lidhur me ndërprerjen e pagesës prej 50% të pagës mujore, është i bazuar, dhe në këtë kuptim, Kolegji vlerëson se ankuesi ka të drejtë të përfitojë 50% të pagës mujore gjatë tërë kohës së pezullimit, deri në marrjen e vendimit përfundimtar nga gjykata, siç përcaktohet me nenin 69 paragrafin 2 të Ligjit Nr.03/L-149 për Shërbimin Civil në Republikën e Kosovës.

Në pajtim me këtë fakt, dhe duke u bazuar në dispozitat e nenit 69 paragrafin 2 të ndërlidhur me dispozitat e nenit 63 paragrafit 3 të Ligjit Nr. 03/L-149 për Shërbimin Civil të Republikës së Kosovës, Kolegji për shqyrtimin e ankesave, ka konstatuar që Drejtori Menaxhues i Agjencisë Kosovare të Privatizimit është i obliguar ti bëjë kompensimin e 50% të të ardhurave personale të ndaluara me Vendimin me numër DM 221/2020 të datës 01.09.2020, për tërë kohën e ndalimit, deri në zbatimin e këtij vendimi, ndërsa të vazhdojë të bëhet pagesa në listën e pagave me 50% të pagës mujore sipas Vendimit me numër Nr.4102 të datës 06.05.2014 të Agjencisë Kosovare të Privatizimit për pezullimin parandalues me 50% të pagës të ankuesit deri në marrjen e vendimit përfundimtar nga gjykata.

Bazuar në këto rrethana, Kolegji për shqyrtimin e ankesës, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në diapozitiv të këtij Vendimi.

Në rast të moszbatimit të vendimit të Këshillit nga personi përgjegjës i përcaktuar në dispozitiv të këtij vendimi, Kryetari i Këshillit ndërmerr veprimet në pajtim me nenin 21, 23 dhe 24 të Ligjit

Nr.06/L-048 për Këshillin e Pavarur Mbikëqyrës për Shërbimin Civil të Kosovës, duke aplikuar edhe ndalimin e 50 % të pagës mujore për personin përgjegjës, deri në zbatimin e vendimit të Këshillit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**Këshilli i Pavarur Mbikëqyrës për Shërbimin Civil të Kosovës
Lënda me numër A nr.285/2020;**

Ardita Perçuku-Shyti



Procesmbajtëse

Malsore GASHI BAJRAKTARI



Kryetare e Kolegjit



Vendimi i dërgohet:

- *Përfaqësuesit të ankuesit Avokat Armend Shkoza;*
- *Drejtorit Menaxhues të Agjencisë Kosovare të Privatizimit;*
- *Menaxherit të Personelit në Agjencinë Kosovare të Privatizimit;*
- *Arkivit të KPMSHCK-së*

